

HARTMANNVS ANTISTES AVGVSTANVS.



Hartmannus ex illustri familia comitum de Kiburg & Dillingen natus fuit, atque tandem ultimus in eo genere extitit. Pater eius Hermanus, atque mater Vuilpurgis eum optimis præceptoribus instituendum tradiderant, atque hoc modo effecerant, ut in uirum doctissimum euaserit. Itaque cum Sybotho præsul Augustanus uita functus esset, Hartmannus in eius locum Episcopus creatus fuit, anno millesimo ducentesimo sexagesimo secundo. Hactenus antecessores ipsius aliquandiu fastum exercuerant, atque plurima loca ab Ecclesia alienarant, aut certa pecunia oppignorant. Itaque Hartmannus cum nemo ex sua fami-

lia superesset, suum patrimonium (comitatum Vuitislingē ad urbem Vuerdt usque) Augustanæ Ecclesiæ dono dedit, deinde monasterium Medlingē circa Dillingen uirginum instituit, atque Xenodochium Augustæ fundauit.